


Kanuni takatifu iliandikwa na Mchungaji Sun Myung Moon huko Korea. Ujumbe wake ulioandikwa kwa lugha ya Kikorea ulitafsiriwa kwa mara ya kwanza kwa Kiingereza na sasa umetafsiriwa kutoka Kiingereza hadi Kiswahili. Kanuni hii takatifu inafungua njia kwa yule anayetafuta majibu ya ukweli kwa maswali mengi ya kimsingi hii si tafsiri rasmi kwa mujibu wa baraza la Kiswahili Bakita na tunaomba kwa unyenyekevu msomaji asiwe mkali hata kidogo katika uwasilishaji na tafsiri, jambo ambalo si la moja kwa moja. kutoka Makao Makuu ya kanisa la umoja, lakini kwa wafuasi rahisi na wa kujitolea wa Baba Moon, wanapotaka kusambaza ujumbe wake kwa watu wanaozungumza Kiswahili. Tunapenda kukualika usome kwa makini kitabu hiki kitakachokupa maono mapya ya ulimwengu. na itabadilisha maisha yako yote.

CHAPTER II THE FALL

SURA YA PILI ANGUKO.

Kila mtu ana akili ya asili, ambayo ina asili ya kufuata wema na kupinga uovu. Lakini watu walio anguka wanaendeshwa bila kujitambua na msukumo wa kutenda ovu, kinyume na matamano ya akili yao ya asili. Katika Ukristo, yule ambaye huongoza huu msukumo wa kutenda ovu anajulikana kama Shetani (Ibilisi). Sura hii, “Anguko”, linaweka wazi utambulisho wa Shetani na asili ya uovu.



I. MZIZI WA DHAMBI.

A. Mti wa uzima na Mti wa Ujuzi wa Mema na Mabaya.

Kwa kuzingatia kitabu cha Mwanzo katika Biblia, Wakristu wamekuwa na utamaduni ambao umekuwa na imani inayochanganya kwamba dhambi ya asiili na mzizi wa dhambi na uovu vilitokana na mababu wa kwanza wa mwanadamu kula kipande cha tunda – tunda la mti wa Ujuzi wa Mema na Mabaya (kwa kifupi hapa linatokana na kula tunda la wema na ubaya). Hata hivyo tunda la wema na uovu ni tunda halisi au mfano, kama ilivyo kwa maneno mengi kwenye Biblia? Kulingana na Kanuni ni mfano.

Ingewezekanaje Mungu wa upendo, mzazi wa wanadamu, atengeneze tunda la kuvutia namna ile na kuliacha sehemu ambayo lingeweza kuliwa na watoto wake na kuwasababishia anguko (Mwanzo 3 :6)? Yesu alisema katika Mathayo 15 :11, “ ‘.....siyo kiingiacho kinywani kimtiacho mtu unajisi ; ...’ ” kwa jinsi gani basi chakula kimsababisha mtu kuanguka? Pia haingii akilini kuwa Mungu wa upendo aliumba tunda la wema na uovu kumjaribu – bila huruma na kusababisha mwishowe kifo chake – ili tu kuona kama mtu angetii neno Lake. Ukweli kwamba walikula tunda japokuwa walikuwa wameambiwa wangekufa, inaonyesha

kuwa tunda linawakilisha kitu kingine kinachosisimua kwamba matamano yao kwa hilo yali kuwa makubwa zaidi ya matamano yao ya uzima.

Tunda ni Mfano

1. Mungu wa Pendo

2. Maneno ya Yesu (Mat 15:11)


3. Haikuwa Jaribio

4. Tunda hallithaminiwi kuliko maisha

Kabla ya kuzingatia tunda la wema na uovu linawakilisha nini, yatupasa kujuwa mti wa Ujuzi wa Mema na Mabaya ulikuwa nini. Lakini mti wa Ujuzi wa Mema na Mabaya umetajwa mara chache sana katika Biblia. Hivyo, ili kujua ni nini mti wa Mema na Mabaya unawakilisha kwanza tujifunze mti wa Uzima, ambao kulingana na Biblia, ulisimama kandokando na mti wa Ujuzi wa Mema na Mabaya ndani ya Bustani ya Eden (Mwanzo 2 :9, 2 :17, 3 :3) na umetajwa mara nyingi ndani ya Biblia.

1. Mti wa Uzima.


Mithali 13 :12 inasema, “kilichotarajiwa kikikawia huufanya moyo kuugua . Bali haja ya mtu ikipatikana ni mti wa uzima.” Mti wa Uzima ndilo tarajio kuu la mwanadamu. Kama Ufunuo 22 :14 inavyosema “Heri wazifuao nguo zao (za dhambi na uovu), wawe na amri kuuendea huo mti wa uzima, na kuingia mjini kwa malango yake.” Vifungu hivi vinaonyesha kuwa kuufikia mti wa Uzima utasababisha furaha kwa mwanadamu aliyeanguka. Sasa, ni mti gani huu wa Uzima, hata kuwa tumaini la Wana Israeli wa Agano la Kale na tumaini la Wakristu wa Agano Jipya ?



Kama watu wa anguko wakiulizwa kiini cha furaha na tumaini kila mtu atatoa jibu tofauti. Mtu mmoja anaweza kujibu kuwa ni nguvu, na mwingine kuwa ni utajiri, au maarifa. Sasa nini kimekuwa tarajio kwa watu wenye imani katika historia ya mwanadamu ? Kitu kimoja

kipo wazi. Kama tumaini la ndani la mtu aliyeanguka ni mti wa Uzima, basi tumaini la Adam kabla ya Anguko ni lazima lilikuwa Mti wa Uzima. Sababu ni kuwa kila mtu amesalia na asili ya awali ndani mwake, na hivyo hutafuta asili hiyo ambayo aliitumaini kuwa nayo kabla ya Anguko, lakini ilipotea. Mwanzo 3 :22-24, huonyesha kuwa Adam pia alitumaini kufikia Mti wa Uzima, lakini sababu ya dhambi zake hakuruhusiwa. Hivyo, mti wa uzima umebakia kama tumaini la pekee la mtu aliyeanguka.


Sasa huu ulikuwa mti gani wa Uzima tumaini la mtu akuaye, Adam ambaye haja kamilika ? Je umiliki wa mali ungeweza kuwa tumaini la msingi kwa Adam ndani ya Bustani ya Eden, au nguvu, au wasiwasi wowote wa kiinje ? Kwa kuwa ilikuwa awe bwana wa Ulimwengu, na kuvitawala viumbe vyote, hakukuwa na sababu kwa Adamu kutumaini umiliki wa vitu zaidi au nguvu. Kama Adamu alikuwa na tumaini lolote kabla hajakamilika, ingekuwa tu kufikia ukamilifu wake mwenyewe. Kwa maneno mengine, matamania yake yangekuwa kuwa mtu mwenye tabia timilifu -mtu ambaye ametimiza Kusudi la Uumbaji.



Hivyo, mti wa uzima ni huwa kilisha mtu ambaye ametimiza Kusudi la Uumbaji. Kama Adam asingekuwa ameanguka na kukamilisha Wazo la Uumbaji, hapo angekuwa mti wa Uzima na angekuwa ameujenga Ufalme wa Mbinguni hapa duniani ambayo ndiyo Bustani ya mti wa Uzima. Hata hivyo, Adam alianguka, na Mungu aliizuia njia ya kuelekea kwenye mti wa Uzima kwa upanga wa moto (Mwanzo 3 :24).


Kwa kuwa Adam aliliacha Kusudi la Uumbaji, alikuwa mti batili wa uzima na alianza kuzaa watoto ambao walikuwa miti batili ya uzima, na hivyo kuifanya Bustani ya ubatili ya miti ya uzima, badala ya bustani ya miti ya uzima. Kwa hiyo, ili kuujenga Ufalme wa Mbinguni hapa duniani, ambao ndiyo bustani ya Mti wa Uzima, mti wa Kweli wa Uzima, lazima uonekane katika Ulimwengu wa Anguko na kuwapandikiza wanadamu wote kwake. Kwa kujua kuwa Mti wa Uzima unamwakilisha Adam, twaweza sasa kufahamu ya kwamba mti wa Uzima

katika Agano la Kale (Mithali 13 :12) humwakilisha Yesu (1 Wakorintho 15 :45), na mti wa Uzima katika Agano Jipya kwenye kitabu cha Ufunuo (Ufunuo 22 :14) huwakilisha Masihi atakaerudi. Kwa nyongeza zaidi, tunaweza kujua kusudi la kazi ya wokovu ni kuukomboa Mti wa Uzima ambao ulipotea Bustani ya Eden (Mwanzo 2 :9) katika Mti wa Uzima ambao unatajwa katika kitabu cha Ufunuo (Ufunuo 22 :14).



2. Mti wa Ujuzi wa Mema na Mabaya.

Katika Bustani ya Eden, Mungu alimuumba Adam, na Hawa kuwa mwenza wake. Kama katikati ya Bustani kulikuwa na mti kumwakilisha mwanaume, si vinginevyo kuwa kungekuwa pia na mti unaomwakilisha mwanamke? Ndiyo na mti wa Ujuzi Mema na Mabaya, ambao umesimama pamoja na Mti wa Uzima (Mwanzo 2 :9, 2 :17, 3 :3) ndiyo huu mti.



Katika Biblia, Yesu wakati mwingine alijilinganisha na mzabibu (Yoh 15 :5) au mzeituni (War. 11 :17). Katika mtazamo sawa, Adam na Hawa wamewakilishwa na miti miwili nao kutoa tamko kuwa kulikuwa na Mti wa Uzima na Mti wa Ujuzi wa Mema na Mabaya katikati ya Bustani ya Eden haimaanishi kuwa kulikuwa na miti ya kawaida katika kitovu cha kijiografia cha bustani ya kawaida, bali inamaanisha kuwa watu wawili, Adam na Hawa ndiyo kitovu cha Nia ya Mungu ya Uumbaji. Nia yote ya Mungu ya Uumbaji ni lazima itimizwe kupitia mwanadamu. Tunavyoangalia vitu katika mtazamo huo, twaweza kuona kuwa Mti wa Maarifa ya Kujua Mema na Mabaya humwakilisha mwanamke, Hawa. Ni lazima tuhitimishe kuwa tunda la mti huu lina uhusiano na Hawa. Hata hivyo, ili kujua kwa ufasaha tunda linawakilisha nini, yatubidi tuelewe nyoka Ibilisi ni nani.

B. Utambulisho wa Nyoka.

Katika Mwanzo sura ya 3, Biblia inaonyesha kuwa nyoka ndiye aliyemtia Hawa majaribuni na kumsababisha atende dhambi. Hata hivyo, nyoka anayeelezewa hapo haiwezekani akawa nyoka wa kawaida tunayemjua ni ishara.

Mwanzo sura ya tatu pia tunaona kuwa 'nyoka' aliongea na mwanamke na kwamba alijua kuwa Mungu alimwambia Adam na Hawa wasile tunda la Mti wa Ujuzi wa Mema na Mabaya. Ili 'nyoka' aweze kuongea na mwanadamu na ajue ambacho Mungu alikuwa ameamuru, 'nyoka' ni lazima alikuwa kiumbe wa kiroho. Ufunuo 12 :9 unasema 'na joka kubwa lilitupwa, nyoka wa zamani aitwaye Ibilisi na Shetani, audanganyaye Ulimwengu wote – alitupwa chini duniani, na malaika zake walitupwa pamoja naye inaonyesha kuwa 'nyoka' wa zamani ni Ibilisi. Huyu 'nyoka wa zamani' ni yule 'nyoka' ambaye alimtia majaribuni Hawa. Kama tunavyosoma Ufunuo 12 :9 kuwa 'nyoka' alitupwa chini toka Mbinguni, twajua kuwa 'nyoka' alikuwa Mbinguni kabla ya kutupwa chini na hivyo ni lazima alikuwa katika kiumbe wa kiroho.

Kwa kuwa twajua kuwa 'nyoka' ni shetani (Ufunuo 12 :9), twaweza kujifunza nyoka alikuwa nani ; kwa kujua shetani ni nani. Ili tujue shetani ni nani, yatubidi tujue kwanza kiumbe wa kiroho ambaye alikuwa Mbinguni kabla ya kutenda dhambi. Yaweza kukubalika kuwa kwa vile 'Nyoka' awali alikuwa ndani ya Bustani ya Eden kabla ya kutupwa chini kutoka Mbinguni, 'Nyoka' ni lazima hapo awali alikuwa ni kiumbe ambacho Mungu aliumba kikiwa na asili ya wema na kwamba kilikuwa bado hakijakamilika, (1)hapakuwa na kiumbe chochote katika Bustani ya Eden ambacho hakikuumbwa na Mungu, (2) Mungu anaumba wema tu na, (3) hakuna kilicho chema kingeweza kutenda dhambi baada ya kuwa kikamilifu.

Wengine hufikiria kwamba hiki kiumbe cha kiroho ambacho chafananishwa na nyoka kilikuwa kiumbe ambacho kilikuwepo hata kabla ya Uumbaji na kilikuwa kiumbe ambacho kusudi lake lilikuwa ni uovu, kinyume na lile la Mungu. Hata hivyo, mbali ya mtu wa anguko, kila kitu ndani ya Ulimwengu huwapo kulingana na mpango mmoja uliokamilika. Kwa hiyo haiwezekani kuwa kulikuwapo toka mwanzo na chanzo cha dhambi ambacho kilikuwa kinyume na Mungu. Kama toka mwanzo kungekuwepo misukumo miwili inayopingana katika Ulimwengu, kusudi la misukumo hiyo linalopingana, lingesababisha kuharibika kwa Ulimwengu. Inaweza kuhitimishwa tu kuwa kiumbe hiki cha kiroho toka mwanzo kiliumbwa kwa kusudi la wema, lakini baadaye, kikiwa katika hatua za ukuaji kilianguka na kuwa Shetani. Hiki kiumbe kilikuwa na uwezo wa kuongea na mwanadamu, kilijua matakwa ya Mungu, kiliishi mbinguni hapo mwanzo, kilikuwa na uwezo wa kumshawishi mwanadamu, na kiumbe hiki baada ya kuanguka na kuwa Shetani, bado alikuwa mbele ya wakati na nafasi, kushawishi akili na roho ya mwanadamu, na kumsababisha mwanadamu

NYOKA Mwanzo 3:1-4

- 1. Aliweza kuongea na mtu**
- 2. Alijua amri za Mungu**
- 3. Ufunuo 12:9 „nyoka wa zamani = Ibilisi, Shetani**
- 4. Kiasili alikua anaishi Mbinguni**
- 5. Alikua na uwezo wa kumjaribu mtu**
- 6. Alitawala roho ya mwanadamu tangu Anguko**

aendeshe maisha ya uovu. Kiumbe gani kimejazwa na uwezo wa namna hiyo ? hakuna kiumbe zaidi ya Malaika kilicho jaliwa na uwezo wa namna hiyo. Mtu aweza kuuliza kama Malaika waweza kutenda dhambi, lakini ushahidi kutoka kwenye Biblia unaelezeka wazi. Kwa hakika tunaposoma waraka wa pili wa Petro 2 :4 unaosema ‘.....kwa maana ikiwa Mungu hakuwaachilia Malaika waliokosa, bali aliwatupa.....’ twaweza kwa wazi zaidi kuona kwamba Malaika waweza na wanafanya dhambi, kwa kuangalia kwa ufasaha kuwa ufunuo 12 :7-9, katika kusema ‘Malaika zake’ inaonyesha kuwa ‘nyoka’ alikuwa kiongozi wa Malaika, twaweza kujua kuwa ‘nyoka’ alikuwa ni Malaika.

C. Dhambi ya malaika na dhambi ya mwanaume na mwanamke wa kwanza.

Dhambi ya malaika huyu ilikuwa nini ? Yuda 6-7 inasema, “ Na malaika wasioilinda enzi yao wenyewe, lakini wakayaacha makao yao yaliyowahusu, amewaweka katika vifungo vya milele chini ya giza kwa hukumu ya siku ile kuu. Kama vile Sodom na Gomora na miji yote iliyokuwa kando kando, ambao kama malaika walifuata uasherati, wakaenda kufuata mambo ya mwili yasiyo ya asili, imewekwa kuwa mfano, wakiadhibiwa katika moto wa milele.” Dhambi ya malaika (Bustanini) ilikuwa dhambi ya zinzi. Kwa kuwa uzinzi haufanywi na mtu mmoja peke yake, ni lazima kulikuwa na mwenza. Sasa nani alikuwa huyu mwenza wa malaika ? Biblia inatueleza kuhusu viumbe watatu tu wali vyotenda dhambi katika Bustani ya Eden ; nyoka, Adam na Hawa. Na tuangalie nini dhambi ya mtu wa kwanza na mwanamke ilivyokuwa.

Katika Mwanzo 3 :7, tunasoma ya kwamba baada ya kujaribiwa na nyoka na kutenda dhambi, mababu wetu wa kwanza wakaona haya kuwa uchi wakaficha sehemu zao za siri. Lakini kabla ya anguko walikuwa uchi lakini hawakuona haya (Mwanzo 2 :25). Halafu tunaposoma ya kwamba walifunika sehemu zao za chini, au viungo vyao vya uzazi katika miili yao kwa majani ya tini baada ya kutenda dhambi, lazima tujiulize kama mwanaume naye pia alitenda dhambi ya zinaa.

Ni katika asili ya binadamu aliyeanguka ya kujaribu kuficha ubaya na makosa ; hivyo kama tunda la wema na ubaya lilikuwa tunda katika maana ya kawaida ya tunda, Adam na Hawa wangepicha mikono yao au midomo kama wangukuwa wamechukua tunda kwa mikono yao ama wangukuwa wamekula tunda kwa midomo yao. Lakini tunaona kuwa walifunika viungo vyao vya uzazi na sio mikono na midomo yao. Hii inaonyesha kuwa kosa la Adam na Hawa lilihusisha viungo vyao vya uzazi. Ayubu 31:33 inasema, “.....*nimeyafunika makosa yangu ... kama Adam* kwa kuuficha uovu wangu kifuani mwangu” (ufafanuzi ulioongezwa). Maneno ya Ayubu yanaonyesha kuwa Adam aliyaficha makosa yake, na kwa vile twajua kuwa Adam na Hawa walizifunika sehemu zao za viungo vya uzazi, twaweza kuhitimisha kuwa dhambi yao ilivihusisha viungo vya uzazi.


Katika Bustani ya Eden, dhambi pekee ambayo mwanadamu angeitenda na kuhatarisha maisha yake ni dhambi inayohusisha upendo. Adam na Hawa walipaswa wakue kama kaka na dada, na baada ya kufikia ukamilifu, wangujenga Ufalme wa Mbingu hapa duniani na wangukuwa mke na mume wa kwanza na kuifanya familia ya Mungu, iliyotimiza Kusudi la Uumbaji. Hata hivyo, Yesu anaposema katika Yoh. 8:44 ‘Ninyi ni wa baba yenu shetani.....’, kwa uwazi anatuonyesha kuwa watu wenye dhambi ni uzao wa Shetani. Adam na Hawa walimsalia Mungu, baba yao wa kweli na wakawa kitu kimoja na baba batili, Shetani, ndiyo sababu Warumi 8:23 inasema, “.... sisi wenyewe ambao tuna matunda ya kwanza ya roho tunalia kimoyomoyo tukisubiri kufanywa wana, na kukombolewa miili yetu” (hili limesisitizwa). Ukweli kwamba tunasubiri kufanywa wana katika kizazi kiake Mungu inatwambia sisi si wa kizazi cha Mungu. Katika Math. 3:7 na Math. 23:33, Yohana Mbatizaji na Yesu na waliwaita watu ‘wana wa nyoka’- kwa maneno mengine, wabini/watoto wa manyoka- hili kwa uwazi zaidi linaonyesha sisi watu wa anguko tumo katika uzao wa Shetani. Kwa hivyo, tuaweza kuelewa wazi kabisa kwamba mtu wa anguko ni wa kwa Shetani, sio wa Mungu. Haya ni matokeo ya Hawa kujamiiana na malaika. Matokeo ya uhalifu huu, watu wote wamekuwa wakizaliwa kama ‘watoto’ wa Shetani.*

* Ingawa Hawa na malaika mkuu waliungana katika tendo kweli la zinaa kwa njia ya mwili wa kiroho wa Hawa na mwili wa malaika mkuu (mwili wa kiroho), hakuna watoto wanaweza kuzaliwa kweli kwa uhusiano kati ya mwanadamu na malaika. lakini, Hawa alirithi “upendo” wa kishetani, na wakati Hawa na Adam waliingia katika uhusiano, ambao ungezaa watoto, mahusiana yao yalikuwa na msukumo wa upendo” wa aina ya kishetani, na watoto wao walizalikwa kwa upendo” huu. Kwa hivyo, watu wote ni watoto wa Shetani.

D. Tunda la mema na mabaya na mzizi wa dhambi.

Kwa kuwa mti hujizalisha kwa tunda lake (ambalo hutoa mbegu) na mtu huzaa kwa njia ya mahusiano ya kujamiiana , kwa hiyo Tunda la Mti wa Mema na Mabaya linaashiria uhusiano wa upendo wa Hawa. Ukweli kwamba Hawa alikula tunda alichochewa na Shetani kwa kula inamaanisha kwamba alitenda tendo la zinaa na Shetani. Kwa kuwa kula kitu humaanisha

kulifanya sehemu ya mwili na damu yetu, Hawa kumpa Adam tunda la mema na mabaya na yeye kulila humaanisha Hawa alisababisha Adam kuanguka kupitia njia ileile ya upendo batili.



Kwa hiyo mzizi wa dhambi si kwa wahenga wetu wa kwanza kula tunda la kawaida, lakini wao kuanzisha uhusiano wa damu kupitia uzinzi na malaika mkuu ambaye ni ishara ya nyoka. Uhusiano huu wa damu ni chanzo cha dhambi ya asili inayopitia kizazi hadi kizazi. Kila dini inayojitahidi kuondoa dhambi wameainisha wazi kuwa uzinzi kama dhambi kubwa kuliko dhambi zote. Kutokana na mtazamo huu juu ya Dhambi ya Asili, tunaweza kuelewa kwa nini waisraeli iliwapasa kutahiri ili waonekane wateule wa Mungu. Ilikuwa ina hitajika ili kulipa kutokana na matumizi mabaya ya viungo vya uzazi ambavyo kwao binadamu amekuwa na uzao wa kishetani. Tunaweza kusisitiza kuzuia dhambi nyingine kupitia mikakati ya jamii, elimu, au maendeleo ya kiuchumi, lakini pamoja na ustaarabu na hali ya maendeleo ya jamii na uchumi mpaka kiwango ambacho tunaweza kufurahia maisha imara Kuongezeka kwa ngono na ufuska na kumomonyoka kwa maadili ya binadamu hakuwezi kukazuiwa na yeyote yule.

Dini : zinaa, uasherati katika dhambi kubwa zaidi

Wanaisraeli : Kutahiri

Ustarabu ulio endelea : Haiwezi kudhibiti ngono, ufuska na kumomonyoka kwa maadili


Sababu kwamba shetani anaweza kuvunja taratibu nzuri za mapenzi ya mtu katika siku hizi za mwisho ni kwa sababu wazazi wa kwanza walikwa mume na mke bila ruhusa au baraka ya Mungu na ku ungana shetani kama baba yao batili. Watoto wao walizaliwa kama watoto wa dhambi na sio wa Mungu na wali anzisha dunia isiyo na imani uovu na vita. Matokeo yake, shetani ame mtawala mtu kama inavyo onekana (Jn 8:44).

Mbali na ukweli kuwa Mungu aliumba mtu na Ulimwengu, kamwe bado hajawahi kuwa kiini cha matukio ya hapa duniani, - kutawala kutokana na matakwa yake. Binadamu amemweka shetani kama mhusika mkuu, na shetani kwa ubatili amekuwa akichukua nafasi ya ubwana. Ni kwa sababu hiyo shetani anaitwa mtawala wa dunia hii' (Jn 12:31) na 'mungu wa dunia hii' (2Wakor 4:4).


II. MSUKUMO NA MCHAKATO WA ANGUKO.

A. Kuumbwa kwa malaika.

Ni kwa msukumo gani na mchakato upi Adam na Hawa na malaika walianguka katika bustani ya Eden? Mungu kwanza aliwaumba malaika ili kusaidia vyote atakavyoumba na kutawala dunia. (Heb. 1:44). Hata hivyo, kwa kuwa mtu aliumbwa kama mtoto wa Mungu na alikuwa awe na mamlaka juu ya malaika. Sababu ambayo malaika siku hizi hufikiriwa kuwa juu ya binadamu ni kwa sababu ya



anguko, mtu alitokea kuwa mpotoshaji sana (Yer 17:9) kwamba yupo nafasi ya chini kabisa kuliko vitu vyote vya uumbaji, wakiwemo malaika.




Wakorinto wa kwanza 6;3 kwa uwazi kabisa inasema mtu ata kuwa na mlaka ya kutawala na ku hukumu malaika, na watu wengi wa kiroho wanaona malaika waki wanazunguka na kuwalinda wenye imani kuelekea paradiso. Mtu ata hukumu malaika na malaika ata mlinda mtu kwa sababu kiasilia mtu ana thamani kubwa kuliko malaika.

B. Anguko Kiroho na Anguko Kimwili.

1. Anguko – Kiroho

Lusiferi (Is 14:12) alikuwa katika nafasi ya *malaika mkuu* na alikuwa njia ya upendo wa Mungu katika dunia ya malaika. Inaonekana kuwa yeye tu alikuwa katika nafasi ya kupokea upendo wa Mungu. Hata hivyo kwa kuwa Adam na Hawa waliumbwa kama watoto wa Mungu, Mungu aliwapenda zaidi kuliko alivyompenda Lusiferi, ambae aliumbwa kama mtumishi. Bado, Lusiferi aliendelea kupokea upendo wake bila kupungua na hata baada ya kuwaumba Adam na Hawa. Hata hivyo kwa Mungu kuwapa Adam na Hawa upendo zaidi, Lusiferi alihisi kulikuwepo upungufu wa upendo ambao alikuwa akipokea kutoka kwa Mungu. Kwa sababu hiyo Lusiferi ali jaribu kutafuta nyongeza ya upendo alioupokea kwa kuwa karibu zaidi na Adam na Hawa.

Kwa kuwa upendo wa Mungu ni chanzo cha uhai na uzuri, Hawa aliyepokea upendo mwingi kutoka kwa Mungu, alikuwa mrembo sana katika macho ya Lusiferi. Lusiferi alikuwa mara nyingi karibu na Hawa na alikuwa amesisimkwa na shinikizo la upendo kuelekea (Hawa). Hawa, akiwa bado yupo katika hali




ya kutokamilika, alishawishika na ushawishi wa Lusiferi, na wakatenda dhambi ya uzinzi. Hili ndilo lilikuwa *anguko la kiroho*.

Mtu ataweza kuuliza ili wezekana vipi kujamiiana kati ya malaika na mtu. Hili swali linatokea tu kwa sababu ya mtazamo wa kiroho wa mtu aliyeanguka katika hali hiyo ya chini kabisa kwa sababu ya Anguko. Hata hivyo, katika kitabu cha Mwanzo 32:25, Biblia inaonyesha kuwa muungano wa mtu na malaika unawezekana pale ambapo imeandikwa kuwa malaika alipigana mieleka na Yakobo na kumtengua nyonga yake.


2. Anguko la Mwili.

Pale Hawa alipounganika na malaika mkuu (kupitia roho zao), alijihisi hofu, ambayo ilitokana na dhamira ya hatia na alipata kung'amua kuwa mwenza wake dhahiri alikuwa Adam na wala si malaika.

Hawa alitaka kukomboa uhusiano wake na Mungu na alitaka kuondokana na hofu iliyotokana na Anguko. Adam alikuwa tegemeo lake pekee la kumrudia Mungu, na Hawa alifikiri ataweza kufanikisha hili angalau kwa kuwa pamoja na Adam, ambaye alikusudiwa kuwa mwenza wake, na hivyo ali mshawishi Adam. Na huu ukawa msukumo wa *anguko la mwili*.




Kama ilivyoielezwa katika 'Kanuni za Uumbaji' Adam na Hawa walikuwa watimize Baraka Tatu. Kwa kufanya haya walipaswa kuwa mume na mke. Kwa maneno mengine Lengo la Uumbaji lilikuwa ni kwa Adam na Hawa kujikamilisha wenyewe binafsi na baadaye wawe mume na mke wa upendo wa milele, chini ya matakwa ya Mungu. Kwa kuwa walijifanya mume na mke kabla ya wakati wao chini ya matakwa ya shetani, uhusiano wao uka sababisha anguko na si kwa kufuata maadili ya Mungu. Kwa kuunganika na Hawa, Adam akarithi viasili vya uovu ambavyo Hawa alivipokea kutoka kwa Lusiferi. Chembechembe hizi baadaye zilienezwa kwa wabini wao kutoka kizazi hata kizazi.




Kama wahenga wa kwanza ‘wasingekula tunda la mema na mabaya’ wangejikamilisha wenyewe kama mwana na binti wa Mungu, na baadaye wangebarikiwa na Mungu, wangukuwa mume na mkewe chini ya mapenzi ya Mungu na kuzaa watoto wenye uasili wa wema na hivyo kukamilisha Ukamilifu wa Uumbaji. Kisha, baada ya Hawa kutimiza adili la Uumbaji, upendo wake ungekuwa tunda la wema, na angefananishwa na mti wa mema.

Hata hivyo, kabla ya kukamilika, Hawa alitenda dhambi ya uzinzi na malaika mkuu na kuwa mtu aliyeanguka. Zaidi ya hapo alisababisha Adam kuanguka na hivyo wakajenga familia za kwanza za anguko, ambazo hakuna hata moja Mungu anaweza kufanya nazo kazi. Kwa hiyo, Hawa aliye anguka alifananishwa na mti wa ujuzi wa mabaya, na upendo wake ukawa kama tunda la mti huo.



Katika mtazamo huo huo, tunaweza kuona kabla tu ya anguko, Hawa alikuwa katika nafasi ya kuwa ama mti wa wema kwa kukamilisha kusudi la Uumbaji au mti wa uovu kwa kuanguka, ili ashiriwa kama Mti wa Ujuzi wa Mema na Mabaya. Tangu kabla ya anguko, upendo wa Hawa ulikuwa na uwezo ama kuzaa tunda la wema na hivyo kukamilisha kusudi la Uumbaji, au tunda la uovu likisababisha Anguko, upendo wake uli fananishwa na tunda la mema na mabaya.




Kutokana na 'Kanuni za Uumbaji', Mungu alikuwa atimize lengo la kumuumba mtu kwa njia ya upendo. Hivyo, upendo ni kiini cha raha ya mtu, uhai na furaha. Hata hivyo, kwa sababu wahenga wetu wa kwanza hawakutii sheria za mbinguni na wakaanguka, upendo nao ulichafuliwa na shetani amekuwa aki mtawala mwanadamu na kumfanya ateseke. Hivyo shetani, alichafua upendo wa binadamu, ni kiongozi wa kuangamiza familia adilifu.

III. ILIWEZEKANA VIPI KWA MTU KUANGUKA.

A. Nguvu ya Upendo na Nguvu ya Kanuni.


Mtu aliumbwa na akue na afikie ukamilifu, akiwa akisukumwa ndani katika kipindi cha kukua, au kipindi cha utawala usio moja kwa moja, kwa *nguvu ya Kanuni* kuishi kutokana na *Kanuni**. Kwa hiyo, nguvu ya *Kanuni* haiwezi yenyewe kumuengua mtu kutoka kwenye mwelekeo wa *Kanuni* na kumfanya aanguke. Lakini kabla ya ukamilifu, mtu anaweza kuenguliwa kutoka kwenye njia kama atapigwa na nguvu nzito zaidi ya ile ya *Kanuni*, ambayo inaelekeza kukua kwa mtu. Nguvu pekee ambayo ina nguvu zaidi ya ile ya *Kanuni* ni nguvu ya upendo. Pale binadamu anapokuwa hajakamilika kabla ya uzoefu wa upendo mkamilifu wa Mungu katika utawala wa moja kwa moja, kuna uwezekano wa kuanguka kwa sababu ya upendo usiyo wa kanuni, upendo ambao una elekea kinyume na upendo wa Mungu.



Kwa nini Mungu alifanya nguvu ya pendo iwe imara zaidi ya nguvu ya *Kanuni* ? Upendo ni msukumo na chanzo cha Mungu kuumba vitu vyote, na kwa hiyo, upendo ni kitu cha thamani sana zaidi ya vitu vyote. Kwa uumbaji ndicho chanzo cha uhai, furaha na raha. Ingawa Mungu aliumba vitu vyote, kulingana na *Kanuni*, au sheria, kwa kuwa alihitaji hatimae utawala wa upendo, aliifanya upendo kuwa nguvu kuu.

B. Madhumuni ya Amri na kipindi chake umuhumu wake

Kwa kuwa nguvu ya pendo ni kubwa zaidi ya nguvu ya *Kanuni*, kuna uwezekano wa mara kwa mara kwa wakati wa kukua kwake mtu anaweza kuanguka kwa sababu ya upendo usiyo wa *Kanuni*. Ni kitu gani kinachoweza kuzuia hili ? mara nguvu ya upendo usiyo wa *Kanuni* hutokea katika kipindi ambacho mtu haja fikia ukamilifu na utawala wa moja kwa moja na upendo wa Mungu, anaweza kuanguka. Ili kuzuia hili, Mungu alimpa mtu amri 'asile tunda la kujua mema na mabaya'. Kama wahenga wa kwanza wa binadamu wange tii amri hii kwa uaminifu, wasingeweza kujenga msingi wa uhusiano na malaika mkuu. Hata hivyo, nguvu isiyo ya *kanuni* isinge kuwepo. Hata hivyo kwa kuwa hawa kuweza kudumisha imani na kutii amri badala yake waka anzisha msingi wa uhusiano wa kutoa na kupokea na malaika mkuu, nguvu ya upendo ovu ili sababisha kuacha na kutoka kwenye njia ya *Kanuni*.



Je, ni kipindi cha muda gani ambacho Mungu ange hitaji hao wahenga wetu wa kwanza kuishika amri ya ‘kutokula’ ambalo ni sharti la imani ambalo Mungu aliwapa? Pale Adam na Hawa wangejikamilisha na kuazisha upenndo *mlalo* kama mme na mke chini ya matakwa ya Mungu, pasingekuwapo nguvu ambayo ingevunja upendo huo, kwa sababu upendo ambao ungeumbwa miongoni mwao ungekuwa ni upendo yakinifu (usio badilika). Na baada ya kujikamilisha wenyewe, wasinge anguka kamwe. Nguvu ya kiwango cha chini ya upendo wa malaika mkuu isinge weza kuvuruga upendo kati ya mume mkamilifu na mke mkamilifu. Kulingana na amri ya Mungu ‘usile’ ilihitajika tu pale Adam na Hawa walipokuwa katika kipindi cha kuelekea ukamilifu wao.


IV. MATOKEO YA ANGUKO

A. Shetani na mtu aliyeanguka

Ni matokeo gani yaliletwa katika uumbaji kwa anguko la kiroho na kimwili la Adam na Hawa na Malaika Mkuu? Ebu tutafakari hili kwa kulinganisha matokeo ya anguko na kile ambacho kingetokea kama Adam na Hawa wasingeanguka, lakini waka timiza Baraka Tatu.

Kama Adam na Hawa wasingeanguka, lakini badala yake wakafikia ukamilifu wa tabia zao binafsi kwa kuwa mfano halisi wa upendo wima la Mungu, wangukuwa mme na mke, waki anzisha upendo mlalo wa Mungu, na wangezaa watoto wakiwa na uhalisia wa wema. Kisha, nafasi nne za Msingi ambazo wangeweza kupata uzoefu wa upendo wa utawala wa moja kwa moja wa Mungu unge timizwa. Lakini kwa sababu Adam na Hawa walianguka na wakawa mwilisho wa dhambi, kama matokeo ya upendo usiyo wa kanuni ulio nzishwa na malaika mkuu, Mungu, ambaye ni Bwana wa *Kanuni*, alitengwa na *Msingi wa Nafasi Nne za uongo*, uli anzishwa chini ya upendo batili wa Shetani, na Shetani ambaye kiubatili akajifanya kama bwana. Hii ndiyo sababu Biblia inasema, watu wa anguko ni watoto wa Shetani (Yoh. 8:44) na kwamba ni Mungu wa Dunia hii (II Wakor 4:4) na ni mtawala wa Dunia hii (Yoh. 12:31).


Kwa asili mtu ilikuwa atawale juu ya malaika, na juu ya uumbaji wote. Hata hivyo, Shetani ali jeuzi hili na kuja kutawala watu na Ulimwengu wote.



Kwa hiyo, kama ilivyo katika Warumi 8:19 anasema, '..... uumbaji unasubiri kwa shauku kwa kufunuliwa watoto wa Mungu.....'. Kwa sababu ya anguko la mtu, vitu vyote vinalia ili vikombolewe kutoka katika utawala wa shetani na kupata uzoefu wa utawala wa watu wa kweli.

B. Matendo ya Shetani katika Dunia ya Anguko

Je, Shetani anadhibiti vipi dunia ya anguko? Hata Shetani ambaye ndiye 'mtawala wa Dunia hii' anaweza kufanya vitendo vya ushetani pale anapokuwa na mlengwa ambaye ana msingi wa ushirika naye.




Walengwa wa shetani ni watu wenye roho ya uovu (wale wanaoishi katika dunia ya kiroho), walengwa ni nafsi za roho za watu waishio Duniani, na bila shaka, walengwa ni wanaohusiana na nafsi za roho ni miili yao wenyewe. Kwa hiyo, nguvu ya Shetani, ujionyesha hapa duniani, kupitia kwa watu kwa msukumo wa roho za uovu kutoka dunia ya kiroho. Zaidi ya hapo kwa kuwa shetani ni kiumbe wa kiroho, anaweza kujidhihirisha mwenyewe kupita wakati na mahali, ilimradi tu awe na msingi wa mshirika. Pale Luka 22:3 anaposema Shetani alimwingia Yuda Iskarioti ina maana kwa kuweka msingi wa ushirika na kuwa na uhusiano wa kutoa na kupokeana na shetani, Yuda akawa chombo cha Shetani. Kukomboa Ufalme wa Mbinguni Duniani maana yake ni kutimiza Dunia ambayo Shetani hawezi kutenda kabisa. Ili kufanikisha hili, kila mtu lazima kwa utimilifu akate uhusiano wake na Shetani na akomboe uhusiano wake na Mbingu, awe na uhusiano wa kutoa na kupokea na Mungu pekee.

C. Wema na Uovu katika Mtazamo wa Dhumuni


Kama Adam na Hawa wangukuwa mfano halisi wa wema na kuunda nafasi nne za Msingi kwa upendo chini ya matakwa ya Mungu, wangelitimiza Dunia ya wema. Bado, kwa sababu wali husiana kwa njia ya upendo ambao uliunda katika mwelekeo tofauti kusudi na la Mungu, wakawa mfano halisi wa uovu, na kuanzisha nafasi nne za Msingi za uongo (chini ya shetani), na walianzisha Dunia ya uovu.

Ingawa katika hatua za awali za maendeleo ya wema na uovu kimatendo uonekana kushabiana, wakiwa wanajongea mbele kutimiza malengo yao ya ukinzano wanajikuta wametengana na wako tofauti. Wema na uovu hautambuliwi kiasili na kitendo maalum au aina ya kitendo na matokeo yake yenyewe lakini utambulika pale ambapo msukumo, mwelekeo na lengo vinaelekea, matakwa ya Mungu au matakwa ya shetani.



D. Dhambi

Dhambi ni kitendo au wazo ambalo huvuruga *sheria za kimbingu**, hujenga sharti ambalo mhusika huwa na uhusiano wa msingi na shetani na huingia katika uhusiano wa tendo la kutoa na kupokea pamoja naye moja kwa moja au isiyo moja kwa moja. Katika dunia adilifu ambapo Mungu alidhamiria, dhambi haipo, pasingekuwepo tendo la dhambi katika ukanda wa mapenzi ya Mungu, sababu shetani asingekuwepo pale. Matokeo yake ile hali ya Adam na Hawa kujenga uhusiano wa tendo la kutoa na kupokea na shetani na kutenda dhambi, mtu huishi katika dunia iliyo kinyume – cha – kanuni na hutenda dhambi kwa kuwa mshirika wa shetani, moja kwa moja au isiyo moja kwa moja



*Sheria za Kimbingu ni *Kanuni* zinazo husika katika mwenendo halisi wa mtu.

Dhambi inaweza kuwekwa katika kundi kama Dhambi ya Asili. Dhambi ya kurithi, Dhambi ya pamoja na Dhambi mtu binafsi. Dhambi ya Asili ni dhambi inayotokana na kuanguka kiroho na kimwili kwa mme na mke wa kwanza. Ni mzizi wa kila dhambi. Dhambi ya kurithi ni dhambi inayorithiwa kutoka kwa

wahenga wa mhusika kupitia nasaba za damu kama inavyotajwa katika amri kumi (Kutoka 20:5). Dhambi hii ni kama shina la mti. Dhambi ya pamoja si dhambi ya mtu husika au ya urithi, lakini ni dhambi ambayo kila mmoja anawajibika kwa sehemu fulani kama mwachama wa familia. Ukosefu wa imani wa Yohana Mbatizaji, makuhani wakuu, wanasheria dhidi ya Yesu, wali husika katika kusulubishwa kwake (Yesu) Ingawa watu wachache walihusika moja kwa moja katika kumsulubisha, wakristu, hasa, na watu wote kwa ujumla, wamebebeushwa wajibu juu ya dhambi hiyo na matokeo yake wengi wameteseka sana. Dhambi ya pamoja ni kama matawi ya mti. Dhambi ya mtu binafsi ni dhambi itendwayo na mtu mwenyewe. Na dhambi kama hiyo hufananishwa na majani ya mti. Dhambi zote hutokana na dhambi ya asili, ambayo ni mzizi wa dhambi zote. Hivyo mtu hawezi kusafishwa dhambi nyingine bila kwanza kusafishwa dhambi ya asili.

E. Hulka ya Anguko (chembechembe za anguko)


Malaika na mwanaume na mwanamke wa kwanza waliumbwa na lengo la kuwa wema na walitakiwa kuwa na *hulka asili* pekee ambayo walijaliwa ndani mwao wakati walipoumbwa. Kabla ya Anguko, sehemu linganifu ya malaika mkuu katika utaratibu mzima wa Uumbaji haikuwa waziwazi. Mwanaume na mwanamke wa kwanza walikuwa katika hatua ya kukua, kwa maneno mengine walikuwa bado hawaja kamilika kulingana na uasili wao. Malaika mkuu na Hawa, na baadaye Hawa na Adam wa anguko, walifanya mapenzi batili, kabla

hawajakamilika. Wakati wa anguko, ile asili njema ghafla uligeuzwa katika uelekeo haramu, na uelekeo huu haramu wa “uasili” ukawa *Hulka ya anguko* la mtu (chembechembe za anguko). Hii Hulka ya anguko (chembechembe za anguko) ilipitishwa toka malaika mkuu kwa Hawa, toka Hawa alieanguka kwa Adam, na toka Adam na Hawa hadi katika ukoo wao wote. Asili ya hulka ya anguko ni hii “asili” ya mwelekeo mbaya. Mwisho wake, ile “asili” ya mwelekeo mbaya ndio asili ya msingi ambayo inatoa hulka ya anguko yote kwa mtu alieanguka. Katika *Kanuni* inaitwa *Hulka ya anguko asilia*.


Chanzo cha hulka ya anguko (chembechembe za anguko) kili ibuka kutoka katika fikra za malaika mkuu kwa kuhisi upungufu wa upendo kutoka kwa Mungu baada ya Mungu kuumba mtu. Hali hii ya kujihisi kupewa upendo – pungufu ilikuwa ni matokeo yasiyoepukika kwa malaika kwa sababu ndani yake ali jaliwa matamania na busara katika hulka asilia. Hata hivyo, isingezuilika vilevile kwamba malaika mkuu alianguka kwa sababu ya matamania ambayo aliumbwa nayo. Pale ambapo binadamu angejikamilisha yeye mwenyewe na kumpenda malaika mkuu kama Bwana wa (malaika mkuu) hisia ya upendo pungufu ingetoweka. Hata katika kipindi mtu akiwa haja komaa, pale upungufu wa upendo wa Mungu ulihisiwa na malaika mkuu kama malaika mkuu ange dumisha uelekeo wake wa asili, akisubiri upendo wa mungu na katika msimamo kwa Mungu pekee, malaika mkuu asingeanguka. Hata hivyo, hisia za kukatiliwa za malaika mkuu zili msababisha kubadili uelekeo wake na kujitegemea yeye mwenyewe, alijijengea hisia ya wivu mkubwa kwa Adam. Wakati Hawa aliporidhia hisia za malaika mkuu, aliweka msingi – mshirika na malaika mkuu ambao uli sababisha uhusiano batili na anguko.

Tunaweza kutenganisha asili ya hulka ya anguko (chembechembe za anguko) katika hali nne kuu.

Kwanza, msukumo wa kuanguka kwa malaika mkuu uliegemea katika kushindwa kwake kumuona Adam kwa mtazamo wa Mungu, kushindwa kwake kumpenda Adam kama jinsi Mungu alivyompenda. badala yake alichukua uelekeo wake na kuwa na wivu dhidi ya Adam. Hali hii huonekana wazi pale mwanafunzi wanapo muonea wivu mwalimu badala ya kumpenda kama mwalimu ampendavyo. Matokeo haya yana asili yake katika asili ya hulka ya anguko (chembechembe za anguko).




Jambo lingine la pili kuu la hulka ya anguko ni asili ya kuacha nafasi aliyopewa mhusika. Tamaa nyingi ya malaika mkuu kutaka kupokea upendo zaidi kutoka kwa Mungu na kufaidi nafasi sawa ya upendo katika jamii ya watu kama alivyofanya katika ukanda wa malaika uli sababisha kuacha nafasi yake na kuanguka. Vitendo ambavyo mtu aliyeanguka huvifanya zaidi ya ukomo wa nafasi zao na mamlaka ili kutimiza tamaa haramu ni vielelezo vya asili hii ya hulka ya anguko, (chembechembe za anguko)



Jambo lingine la tatu la hulka ya anguko ni hali ya kugeuza uataratibu wa utawala. Malaika hatimae alikuwa awe chini ya utawala wa mtu, lakini alimtawala Hawa, na kugeuza utaratibu fasaha. Hawa alipaswa awe chini ya utawala wa Adam, lakini akamtawala. Mageuzi haya ya

utawala yali sababishwa na anguko. Utaratibu mbalimbali usio wa kawaida katika dunia ya anguko una asili yake katika hulka ya anguko, (chembechembe za anguko)



Jambo la nne ni asili ya kuzidisha matamano yasiyo na haki na matendo ya dhambi. Kama Hawa asinge zidisha uhalifu wake kwa kumshawishi Adam baada ya anguko lake, Adam asingeanguka. Kumkomboa Hawa peke yake kungekuwa rahisi kiulinganifu. Hawa alichukua tamaa haramu ile ya malaika mkuu 'kula tunda la mema na mabaya' na tendo lake la dhambi la kutomtii Mungu na kufanya matakwa yake na uelekeo, na hivyo kuzidisha matakwa na matendo ya malaika mkuu. Nia isiyo ya haki na kuto kutii viliongezeka kwa Adam, na hivyo anguko likatokea. Ukweli kwamba katika Dunia ya anguko, uovu hupokelewa na kuzidishwa zaidi ya wema ni udhihirisho wa asili hii ya hulka ya anguko, chembechembe za nguko.

